

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
**Služba za upravu pitanja boraca,
raseljenih lica i izbjeglica**



Zavidovići, 08.07.2020.godine

- ① - WEB stranica Općine Zavidovići
- SMART TV Tešanj
- Radio 1503 Zavidovići

PREDMET : Obavještenje, - obilježavanje 25.godišnjice genocida u Srebrenici

Poštovani pripadnici branilačke populacije OOR-a 1992-1995.godine,
cijenjeni sugrađani,
draga omladino,

obavještavamo vas o programu obilježavanja 25.godišnjice genocida nad Bošnjacima „Sigurne zone UN-a“ Srebrenici za 2020.godinu u organizaciji Općine Zavidovići i JU Centra za kulturu Zavidovići.


Kao što je opšte poznato iz sredstava informisanja, zbog pandemije COVID-19, ovogodišnji program obilježavanja Organizacioni odbor – Memorijalnog centra Srebrenica –Potočari je reducirao u skladu s tim, tako da i učešće u tradicionalnom Maršu mira Nezuk – Potočari neće učestvovati drugi učesnici izuzev preživjelih učesnika Marša smrti i to opet ograničenog broja učesnika, a i samoj dženazi 11.jula, 2020.godine prisustvovat će samo članovi porodica identifikovanih ubijenih Srebreničana.

S tim u vezi Memorijalni centar Srebrenica–Potočari „Spomen obilježje i mezarje za žrtve genocida iz 1995.godine“, a usljed reduciranja programa obilježavanja 25. godišnjice genocida nad Bošnjacima za 2020.godinu, realizovao je projekat „Čitanje za Srebrenicu“. Naime, radi se o video materijalu koji je snimljen sa oko 150 osoba u nekoliko gradova / općina BiH koji su po profilaciji zanimanja iz različitih sfera javnog života, ali i brojna manje poznata lica, - koje čitaju po 50-tak imena žrtava genocida, do ukupnih 8.372 žrtve genocida. Kao višegodišnji aktivni organizator za učesnike Marša mira Nezuk –Potočari, Općina Zavidovići prihvatila je ponudu Memorijalnog centra Srebrenica –Potočari, da nam se ustupi pomenuti video materijal – „Čitanje za Srebrenicu“, koji bi prigodno bio prezentovan stanovništvu općine Zavidovići, a kao sadržaj ovogodišnjeg obilježavanja 25.godišnjice genocida nad Bošnjacima „Sigurne zone UN-a“ Srebrenica u organizaciji Općine Zavidovići i JU Centar za kulturu Zavidovići.

Video prezentacija višesatnog ustupljenog video materijala od Memorijalnog centra Srebrenica –Potočari, **realizovat će se na otvorenom prostoru ispred JU Centra za kulturu**, a sama projekcija bila bi prikazivana na bočnoj fasadi Doma kulture (od hotela „Kristal“), a u dane **10. i 11.jula, 2020.g. (petak i subota) u terminu od 19,00 do 22,00sata**. Unaprijed zahvalni, za vaš dolazak.

NAPOMENA : Posjetioci su dužni poštovati epidemiološke preporuke (COVID-19) o distanci i/ili korištenju maski za mjere Federalnog kriznog štaba, za skupove na otvorenom.

Dostavljeno : - naslovu
-arhiva



Općina Zavidovići, Ulica Safve Čauševića broj 2, 7220 Zavidovići
Telefon: 032/206-780 info, fax: 032/206-796 e-mail: zavido@zavidovići.ba, opcina.zavidovici@zavidovici.ba, opzdici@bih.net.ba

